

Forskrift om open brenning og brenning av avfall i småomnar, Øygarden kommune

§ 1.Føremål

Føremålet med denne forskrifta er å hindre forureining og helseproblem i kommunen som følgje av open brenning og brenning av avfall i småomnar.

§ 2.Verkeområde

Forskrifta gjeld open brenning og brenning av avfall i småomnar innanfor kommunen sine grenser.

§ 3.Definisjonar

a) Open brenning: all brenning som skjer utandørs

b) Småomnar: forbrenningsovnar som ikkje har særskilt løyve fra Miljødirektoratet eller Fylkesmannen eller er tillatt etter statlege forskrifter etter forurensningsloven.

§ 4.Forbod mot open brenning og brenning av avfall i småomnar

Open brenning og brenning av avfall i småomnar er forbode om ikkje anna følgjer av § 5 i forskrifta.

§ 5.Unntak frå forbodet

Følgjande brenning skal likevel vere tillate:

- a) Open brenning frå grill, utepeis og kaffibål
- b) Brenning av reint avfallstrevirke i vedomn
- c) Brenning av avisapir og liknande i vedomn
- d) Bråtebrenning for rydding av beite og vedlikehald av kulturlandskap på gardsbruk
- e) Bråtebrenning og brenning av små mengder tørt hageavfall utanfor tettbygd strøk. SSB sin definisjon for tettbygd strøk vert lagt til grunn.
- f) Sankthansbål av reint trevirke

Materialene som vert brent skal ikkje innehalde helse- og miljøfarlege stoffer.

§ 6.Dispensasjon

Kommunedirektøren kan i særlege tilfelle dispensere frå forbodet i § 4 etter søknad.

§ 7.Tilsyn

Kommunen fører tilsyn med at reglane i denne forskrifta vert overhaldne.

§ 8.Klage

Vedtak etter denne forskrifta er å rekne som enkeltvedtak og kan påklagast til kommunen.

§ 9.Straff

Brot på denne forskrifta kan medføre straffeansvar jf. forureiningslova § 78.

§ 10.Iverksetjing

Denne forskrifta trer i kraft frå vedtaksdato og opphevar samstundes Forskrift om open brenning og brenning av avfall i småomnar, Fjell kommune, Hordaland, FOR-2008-04-24-424.